



類

類雋卷第二十

勾吳唐舟鄭若庸纂輯

山東按察司副使古虞百樓鍾

穀

校閱

戶部陝西司主事西蜀少川王用楨

戶部福建司主事古粵礪山鍾

昌

工部營繕司員外四明臺帥張大器

同閱

臨清州知州古完呂

珩

校正

臨清州知州西蜀李元齡

重校

器用類

太學生汪珙校梓

舟

剡木 易云剡木為舟 **合木** 輿服雜事云其輕行

則乘海舩合木船也又云合木為槽 **周流** 說文

云舟言周流也 **循水** 釋名云船循水而行也 **窾**

木 淮南子云古見窾木浮而為舟 **落葉** 世本云

古者窾落葉因以為舟 **作舟** 呂氏春秋云虞姁

作舟 世本云共鼓貨狄 **舟名** 楊雄云自閔而西

謂舟為舩自閔而東或謂之舟

總名舩曰艘釋名

云上下重版曰艦外狹而長曰艨衝二百斛曰

舩三百斛曰艇 **等** **杭** 詩云誰謂河廣一葦杭之

桂楫 詩云桂楫松舟 **羽楫** 國語云羽楫萬計言

舟楫之疾也 **容刀** 詩云誰謂河廣曾不容刀 注

舟也 **桂櫂** 楚辭云桂棹兮蘭柁斲冰兮積雪 **濟**

川 書云若濟巨川用汝作舟楫 **利涉** 易云利涉

大川乘木舟虛也 **為梁** 詩云造舟為梁 **緋離** 詩

云汎汎揚舟緋纒維之 **藏壑** 莊子云藏舟於壑

藏山於澤謂之固矣然而夜半有力者負之而

走昧者不知也 **罔水** 書云罔水行舟言舟朱無

道習於無水行舟**五覆**月令云季春命舟牧覆舟五覆五反乃告舟備天子始乘舟**沙棠**山海經云崑崙有沙棠木食其實不溺為木不沉口銘安得沙棠木剡之為舟船**逐龍**橫洞冥記云露池西有昆雲池方四百步中有逐龍船**載覆**唐書太宗紀云水能載舟亦能覆舟**翔鳳**陶季直京邦記云西巡記曰宋孝武度六合龍舟翔鳳以三千四百五艘舟航之盛前代無比鳴

毛

洞冥記云影娥池中有鴻毛舟

青翰

說苑云

莊辛謂襄城君曰鄂君方舫於澌波乘青翰之

舟**青雀**

王隱晉書云陶侃擊蜀賊王真真鉤得

似青雀舟

鸚鵡

蜀王本記云蜀王有鸚鵡舟

艦

隋書云大業元年八月煬帝御龍舟幸江都

以左武衛大將軍郭衍為前軍右武衛大將軍李景為後軍文武官五品以上給樓船九品以上給黃篋舳艦相接二百餘里**三翼**張衡云浮三翼舟也越舟有大翼中翼小翼**靈鷲**拾遺記云帝乘衝瀾靈鷲之舟以香金為鈎霜絲為綸

舟鯉為餌鈎于臺下得白鮫馬

鯨海 集韻云鷁首天子舡也船舩也鯨海

大舡也 **坐舡** 山海經云有大人之國坐而削舟

飛廬 釋名云舟言周也船上屋曰廬象舍也其

上重室曰飛廬在上故曰飛也又在其上曰雀

室於中候望若鳥雀人驚視也 **水浮** 淮南子云

烏號之弓不能無弦而射越船蜀艇不能無水

而浮 **憂同** 鄧析書云同舟涉海中流遇風救患

若一所憂同也 **無用** 抱朴子云瓊艘瑤楫無涉

川之用金弧玉弦無激矢之能 **乘國** 揚子云舍

舟航而濟瀆舍五經而濟道末矣乘國者如乘

航航安則民斯安 **死舟** 晉宮閣記云苑內池中

舟有紫宮升進曜陽飛龍射獵鳴鶴指南雲母

無極常安等名 **八槽** 義熙起居注云廬循新作

八槽艦九枚起四層高十餘丈 **餘皇** 左傳云楚

敗吳獲其舟餘皇 **不繫** 莊子云巧者勞而智者

憂無能者無所求食而遨遊汎若不繫之舟 **虛**

舟莊子云方舟而濟於有虛舟來觸舟雖有褊

心之人不怒有一人在其上則惡聲隨

之向不怒而今怒向虛而今實沙棠拾遺記云

漢成常與飛燕游太液池沙棠為舟貴不沉沒

梁麗莊子云梁麗可以衝城注麗小船**求劍**呂

氏春秋云楚人有涉江者其劍自舟中墜水遽

刻其舩曰是吾劍所從墜也舟去從刻所處入水

求之不亦惑乎龍鳥穆天子傳云天子乘鳥舟

龍舟浮于大沼注舟以龍鳥為形制猶今吳之

青雀舩鷓首淮南子云龍舟鷓首注鷓水鳥也

畫其象著舩首若神莊子云顏回問仲尼曰吾

嘗濟乎觴深之泉津人操舟若神吾問曰操

學乎曰可善游者數能有勢韓子云千

鈞得舟則浮錙銖失舟則沉非千鈞輕而錙銖

重有勢之與無勢浮芥莊子云水之積也不厚

則其負大舟也無力覆杯水坳堂之上則芥為

之舟置杯焉則膠水淺而舟大也**積羽**史云積

羽沉舟**含烟**洞冥記云漢宮含烟舟以木蘭文

杏為櫓馳馬崔豹古今注云孫權有小船名馳

馬太白蜀王本紀云秦為太白船夏艘欲以攻

楚龍負史云夏禹南渡江黃龍負舟浮土世本

云廩君名相姓巴氏與樊氏暉氏栢氏鄭氏凡

五姓爭神以土為船雕文画之船浮者神以為

君獨廩君船浮因立為君先濟六韜云武王伐

殷先出於河呂尚為從將以四十七艘船濟於

河濟焚左傳云秦伯伐晉濟河焚舟隼蜂語林

云武王伐紂夜濟河月明如晝有大蜂狀如丹

鳥飛集王舟因以象畫旛旗翌日而梟紂名其

船曰蜂舟鄭人擊趙簡子得其蜂旗則其遺類

指掬左傳云晉楚戰于邲潘黨疾進師車馳卒

奔乘晉軍桓子不知所為鼓於軍中曰先濟者

有賞中軍下軍爭舟舟中之指可掬也沉膠帝

王世紀云昭王濟漢船人惡之以膠船進王中

流船解王没先具左傳云晉楚將戰趙嬰齊使

其徒先具舟于河故得先濟五湖吳越春秋云

范蠡既滅吳乃乘扁舟入五湖統呂氏春秋

云荆有飲非者得寶劍涉江至中流有兩蛟夾繞其舡飲非拔劍赴江刺蛟殺之舟中之人皆活荆王聞之仕以執圭蕩舟左傳云齊侯與蔡姬乘舟于囿蕩公公惧变色禁之不可公怒歸之脱衣漢書云陳平逃歸漢渡河舡人疑有金陰欲害之平脱衣刺舡遂免害從橋漢書云薛廣德為御史大夫秋上祭宗廟出東便門欲御樓舡廣德當乘輿免冠頓首諫請從橋且曰陛下不聽臣臣自刎以血汚車輪上乃從橋

漢書云卜式願與臨菑習弩博昌習舡者死南越濟物張璠漢記云梁冀第池中舡無故自覆問椽朱穆曰舟所以濟渡萬物而今覆者戒將軍當濟渡萬民不可念樂遊而已仙舟後漢書

云郭林宗遊洛陽始見河南尹李膺膺大奇之遂相友善於是名震京師後歸鄉里衣冠諸儒送至河上車數千兩林宗惟與膺同舟而濟衆賓望之以為神仙錦維吳書云其寧住止常以繒錦維舟去輒割棄以示奢侈焚軍吳志云周

瑜逆曹公部將黃盖取蒙衝鬪艦數艘實薪灌膏裹以帷幙上建牙旗同時發火風猛火盛延燒岸上營曹公軍退受箭魏畧云孫權乘大船來觀軍公使弓弩亂發箭著其船偏重將覆權因迴船復以一面受箭箭均船平乃還絳檐吳志云將軍賀齊性奢綺所乘船雕刻丹鏤青盖絳檐艨艟艦望之若仙秤象魏志云鄧哀王仲字蒼舒五六歲智若成人孫權曾致巨象太祖欲知其輕重訪之群下咸莫能曉仲曰置象

大船刻其所至稱物載之則較可知太祖大悅即施行焉擊楫晉書云祖逖為奮威將軍渡江中流擊楫而誓曰逖不能清中原而復濟者有如大江誤截異苑云檀道濟鎮潯陽有施畧收得大船孔鑿若新使匠作舳舻工人誤截兩頭以為不祥殺三匠及入朝果伏誅馳馬晉書云武帝謀伐吳詔益州刺史王濬修舟艦濬作大船連舫方百二十步受二千餘人以木為城起樓櫓開四門其上皆得馳馬來往又画鷁首恠

獸於船首以惧江神舟楫之盛自古未有**水龍**
 晉書云晉將伐吳有童謠云阿童復阿童銜力
 浮渡江不畏崖上虎但畏水中龍既而王濬自
 益州造大船聯舫順流而下遂建平吳之功阿
 童濬小字也**錦袍**李白傳云白嘗乘月與崔宗
 之自采石至金陵著宮錦袍坐舟中旁若無人
折葉異聞錄云陳季卿家于江南嘗訪僧於青
 龍寺壁有寰瀛圖季卿乃尋江南路歎曰安得
 自渭泛河達于家適有終南山翁在傍笑曰是

不難因折階前一竹葉作舟置圖上季卿熟視
 久之稍覺渭水波浪一葉漸巨席帆既張恍若
 登舟旬餘至家**視波**李尤云舟楫之利譬猶輿
 馬輦重歷遠以濟天下相風視波窮究川野安
 審惧慎終無不可**榜大**謝靈運云榜人理行艫
 舟人也**藻舟**顏延年云神御出瑤軫天儀降藻
 舟畫舫也**千翼**又云萬軸徧行衛千翼泛飛浮
 注千艘也**權女**劉孝標云榜人夜理楫權女暗
 成裝**分沙**張正見云黃雲迷鳥路白雪下鳧舟

分沙映遠浦照鶴聚寒流檣風吹影落纜錦雜
 花浮船梁若是桂翻如月照秋鷓米船譎輕利
 侯餽輕利搖蕩邁飛雲凌波漾鷓采映水煥蛟
 文電流已冠絕鳥逝復超羣倏忽方千里恋茲
 岐路分枉帆謝靈運云剖竹守滄海枉帆過舊
 山涵花張正見云千里尋陽岸三翼木蘭舡鷓
 汎青鳧後鷄鳴白鷺前涵花沒淺纜帶葉動深
 船不言朝夕水獨自限神仙花秋又云高門事
 休沐朝野恣逢迎還乘金谷水俱望洛陽城舟

移津女渡楫動渭橋橫風高鴈已落雨霽水還
 清葉盡桐門淨花秋菊岸明欲奏江南曲聊習
 棹歌行弱棹王叔之云塗則騁車水惟用舟弱
 楫輕棹利涉濟求緬彼漁父鼓柁清謳鷓舞梁
 元帝云天際浮雲飛玉翼自相追池邊白鷓舞
 林深青雀歸松潤流星影桂窓斜月暉思此無
 情極高樓淚染衣若虹杜甫云蕩蕩萬斛舡影
 若揚白虹起檣必椎牛掛席集衆功自非風動
 天莫置大水中若鴈李白云小舟若鳧鷖大舟

若鯨鯢**越舩**皮日休云何事貺君偏得非只緣同是越舩即舩小舩也

車

轉蓬

淮南子云聖人觀轉蓬而為車**坤輿**易云

坤為大輿**居人**釋名云車古者曰車聲如居言

行所以居人也今曰車車舍也行者所以若居

舍也**奚仲**山海經云番禺生奚仲奚仲生吉光

是始以木為車又續漢書輿服志云奚仲為車

正具物以時六材皆良**軒轅**古史考云黃帝作

車少皞時畧加牛禹時奚仲

馬廣車之制度

又釋名云黃帝造車故號軒轅氏**取象**周禮云

軫之方也以象地也蓋之圓也以象天也輪輻

三十以象日月也**壹取**周禮云馬力既竭輶猶

能壹取焉注馬雖止輶尚能一前取道喻易進

也亦言輶之善也**生附**周禮云輿人為車輪圜

者中規方者中矩立者中縣衝者中水直者如

生馬繼者如附馬注云治材也如生如木從地

生附如木之附枝也**工聚**周禮云一器而工聚

者車為多 **輿制** 賈誼云古之為路輿蓋園以象

天二十八捺以象列星軫方以象地三十輻以

象月故仰則觀天文俯則察地 則前規 之響四

時之運此輿教之道也 **相耦** 風俗通云車一兩

謂兩其言兩者箱裝及輪兩兩相耦故稱兩爾

三材 周禮云輪人為輪斬三材必以其時三材

既具巧者和之注三材所以為轂輻牙也 **輶**

易云壯于大輿之輶 **文茵** 詩云陰鞞濞續文茵

暢轂駕我騏驎注陰揜軌也鞞所以引也濞白

金續鞞也暢長也 **載脂** 詩云載脂載麋還車言

邁 **載鬼** 易云見豕負塗載鬼一車 **司方** 左思云

俞騎騁路指南司方出車檻檻被練鏘鏘又述

征記云尚方北門中有指南車車上有木仙人

持信旛車轉而人常指南又鬼谷子云肅慎氏

獻白雉於文王還恐迷路周公作指南車以送

之 **有棧** 詩云有棧之車行彼周道 **綏旌** 禮云兵

車不式武車綏旌 **百兩** 詩云之子于歸百兩御

之 **十乘** 詩云元戎十乘以先啓行 **三命** 禮云九

命三命而賜車馬乘輿蔡邕獨斷云乘輿車皆羽蓋金華又黃屋左翹金燮黃屋者蓋以黃為裏也左翹者以旄牛尾為之大如斗在左駢馬頭上金燮者馬冠也游環詩云游環脅驅陰鞞沃續劉熨釋名云游環在服馬背上駃馬之外轡貫之游移前却無常處副轄蔡邕獨斷云乘輿之車皆副轄者施轄於外乃復設轄者也宋
蘭司馬彪續漢書輿服志云小使車者蘭輿皆朱赤轂白蓋赤帷從騶騎四十人皆追捕考案

有所勅取者之所乘也步挽北齊書云後魏大臣老者多步挽車輶傳唐書云輶車古軍車也一馬曰輶車二馬曰輶傳輶軒晉志書云輶軒輕車也樊纓周禮云中車掌王之五路一曰玉路錫樊纓十有再就建太常以祀金路鈎樊纓九就建大旗以賓同姓以封象路朱樊纓七就建大亦以朝異姓以封革路龍勒條纓五就建大白以即戎以封四衛水路前樊鵠纓建大麾以田以封藩國注玉在馬曰路錫馬面當盧刻

金鳥之樊讀如擊馬大帶地纓在膺鈎委領也
 以賓謂會賓客象路朱以朱飾勒也龍勒龍馱
 也以白黑雜色飾勒也條讀為條以條綠飾纓
 前讀為翦淺黑也鵠纓鵠色飾纓腰與決疑錄
 云腰輿以手挽之別有有輿鳥道經云太真
 丈人登白鷺之車飛輪真誥云東海君乘獨颺
 飛輪車按行諸洞大月輪梁書云鹿轡輶三公
 開府尚書令給之祀周禮云大馭路以祭
 及祀輶遂驅之注行之日輶祀者封土為山象

以菩芻棘柏為神主既祭以車輶之而去喻
 無險難也又晉書云舊說黃帝子累祖好遠遊
 道死故祭以為道祖鳴鸞大戴禮云王升車則
 聞和鸞之聲是以非僻之心無自入也四望東
 宮舊事云皇太子初拜有畫輪四望車香衣晉
 太康起居注云齊王歸藩詔賜香衣輦一乘畫
雲漢書云武帝作畫雲車畫綏孝經援神契云
 王者德至山陵則山出根車應載萬物虞舜
 德盛於山陵故山車出山車者自然之物也山

藏之精與象車相似舜仁德盛山車垂綏垂句
禮斗威儀云山車垂句山車者自然之車也句
者曲也不揉治而自員曲故言垂句蒲輪史記
云封禪為蒲輪車惡傷土石草木形車史記堯
形車乘白馬駕車記云有虞氏因形車而制駕
車又通典駕車有虞氏正立論語云升車必正
立執綏車中不內顧不疾言不親指護輪崔衍
云乘車必護輪治國必愛民昭儉左傳云清廟
茅屋大路越席大羹不致粢食不鑿昭其儉也

牛書云犖牽車牛遠服費用孝養厥父母牛

耳異語云仕宦不止車生耳六飛漢書云袁盎

曰陛下馳六飛棄輔詩云其車既載乃棄爾輔

後戒漢書云前車覆後車戒皮軒漢官解故云

太僕廐府皮軒駕旗胡廣曰馬有廐車有府皮

軒以虎皮為軒華蓋風俗通云黃帝與蚩尤戰

鹿常有五色雲氣金枝玉葉止於帝上因作華

蓋曲蓋風俗通云武王伐紂大風折蓋遂為曲

蓋殷輅論語云乘殷之輅下訪史云武王下車

而訪箕子**三雲**真人王君內傳云神人乘三雲之輦魏武帝與楊彪書曰今贈足下畫輪四望通幘七香車二乘**折軸**漢書云中山靖王勝曰積羽沉舟群輕折軸衆口鑠金積毀銷骨**斷輪**莊子云桓公讀書輪扁斲輪於堂下釋槌鑿謂公曰公所讀者古人之糟粕也以臣之事觀之斲輪徐則甘而不固疾則苦而不入不徐不疾得之於手應之於心口不能言有數存於其間而臣不能喻臣之子臣之子亦不能受之於臣

古之人與其不傳者死矣故曰糟粕**追鋒**傳子云追鋒車施通幘遽則乘之**武剛**漢書云衛青見匈奴以武剛車自還為營**傾蓋**家語云孔子之剡遭程子於塗傾蓋而語終日甚相親顧**載俱**史記云周西伯遇太公於渭水之陽載與俱歸**鑑形**左傳云齊慶封獻車於季武子美澤可以鑑展莊叔見之曰車甚澤人必瘁宜其亡也**挾輈**左傳云子都與穎考叔爭車考叔挾輈以走**汰輈**左傳云楚子與若敖戰伯棼

射注汰鼓跗著於丁寧又射汰輶以貫笠轂師
惧退注此言前過車輶及王之盖兵車無盖尊
者則邊人執笠依轂而立以禦寒暑名曰笠轂
交綏左傳云秦人晉人戰于河曲注不書敗績
交綏而退不大敗也**債濟**左傳云齊鄭盟於右
門尋廬之盟也鄭伯之車債于濟**殷輪**左傳云
晉伐齊戰于鞍張侯謂卻獻子曰自始合而矢
貫余手及肘余折以禦左輪朱殷豈敢言病吾
子忍之**擊轂**晏子春秋云齊人好擊轂相犯以

為樂禁之不止晏子為新車良馬出與其人
犯曰擊轂者不祥下車而去之國人乃不為

醫莊子云秦王有病召醫破癰潰座者得車一

乘舐痔者得車五乘所治愈下**引避**史云藺相

如拜上卿廉頗不肯為之下相如出望見廉頗

引車避匿**高相**史記云楚俗好卑車王以為不

便輿馬欲下令使高之孫叔敖曰令數下民不

知所從不可王必欲高車臣請教問里使高其

相乘車者皆君子君子不能數下車王許之居

半歲民悉自高其車**乘敝**說苑云趙簡子乘敝
車癯馬衣羖羊裘其宰曰車新則安馬肥則疾
衣狐豹之裘温且輕簡子曰吾聞之君子服善
則益恭細人服善則益倨今我自備恐有細人
之心也**不觀**說苑云晉平公為馳逐之車挂之
以犀錯之以羽立於殿下群臣得觀焉田老三
過而不觀平公大怒老曰桀以奢亡紂以侈敗
是以不敢觀也平公曰善乃去車**韓非子**
云吳起為西河守秦有小亭欲攻之乃徙車轅

於北門外今曰有能徙於南門外者賜上宅民
莫徙也有徙者賜之如今又置一石亦令曰有
徙者賜之如初民爭徙之乃令曰明旦攻城有
先登者賜上宅上田民爭上一朝而拔之**不受**
說苑云晏子朝乘敝車駕駑馬景公遺之輅車
乘馬三反不受曰夫輅車乘馬君乘之上臣亦
乘之下民之無義侈其衣食而不顧其行何以
禁之卒不受也**虛左**史云魏公軒轅**虛左**自迎
侯生**彈鋏**戰國策云馮驩客田文館彈鋏歌曰

長鈇歸來乎出無車文乃與之車**賜蓋**漢書云

黃霸字次公任揚州刺史宣帝下詔賜車蓋特

高一丈別駕主簿車緹油屏泥於軾前以章有

德**入殿**漢書云田千秋年老上優之朝見得乘

小車入宮殿因號車丞相又唐書云房玄齡病

稍間詔許肩與入殿**中副**漢書云張良為韓報

仇得力七操鉄椎重百二十斤徂擊秦皇誤中

副車**席門**漢書云陳平家乃負郭窮巷以席為

門然門多長者車轍**詐乘**漢書云項羽圍漢王

滎陽將軍紀信詐乘王車黃屋左纛曰食尽漢

王降楚**汚茵**漢書云丙吉為丞相馭吏嗜酒數

逋蕩嘗從吉出醉嘔丞相車茵上西曹主吏白

欲斥之吉曰以醉飽之失去士使此人復何所

容西曹第忍之不過汚丞相車茵爾**乘葦**後漢

書云袁忠為沛相乘葦車到官以清亮稱**埋輪**

後漢書云張綱字文紀與杜喬等八人受詔行

天下號曰八使七人皆奉命惟綱獨埋車輪於

洛陽都亭曰豺狼當道安問狐狸遂奏梁冀等

罪京師震悚

勞薪

晉書

賜食

進飯

武帝

曰此

勞薪所

爨問之乃破車脚

為柴

推鹿

東觀

漢記云杜林寄隗囂而終不屈節建武六年弟成物故囂乃聽林持喪東歸既遣而悔令刺客揚賢於隴底遮殺之賢見林身推鹿車載致第喪乃歎曰當今之世誰能行義我雖小人何忍殺義士因亡去

引羊

晉書

云武帝

掖庭

並寵者

衆莫知所適乘羊車恣其所之宮人乃取竹葉

插戶蓋汁灑池以引帝車

褰帷

世說

云梁

曹景

宗為領軍性躁出行常褰車帷左右諫之景宗

謂所親曰吾昔在鄉里騎快馬如龍拓弓弦作

響聲箭如餓鳥叫平澤中逐麋數肋射之渴飲

其血飢食其胃甜如甘露漿竟耳後生風鼻頭

出火使人忘死今來揚州作貴人路行開車幔

小人輒言不可閉坐車中如三日新婦於邑使

人氣尽

偏箱

晉書

云馬

隆討

羗依

八陣

圖作

偏

箱車地廣為鹿角車營路狹則為木屋施於車

上且前弓矢所及應弦而倒

三望

沈約

宋書

云

沈慶之每朝賀常乘猪鼻無憶車左右從者不
 過三駟馱履行田園每農桑劇月無人從行過
 者不知三公也及廢帝賜三望車謂人曰我每
 遊履田園有人時與馬成三無人時則與馬成
 二今乘此車安所之乎驅塵晉書云王導妻曹
 氏妬導憚之乃密營別館以處眾妾曹氏知將
 往馬導恐妾被辱遽令命駕猶遲之以所執塵
 尾柄驅牛以進蔡謨聞之戲導曰朝廷欲加公
 九錫導弗之竟但謙退而已謨曰不聞餘物唯

有短轅犢車長柄塵尾導大怒朝載魏書云鍾

繇有膝疾拜起不便時華歆亦以高年疾朝見

皆使載輿虎賁輿上殿就坐三公有疾遂為故

事命焚晉書云阮裕在剡曾有好車借無不給

有人葬母意欲借而不敢言後裕聞之乃歎曰

吾有車而使人不敢借何以車為命焚之推輪

文選序云推輪為太輅之始信義李尤云員蓋

象天方輿則地輪法陰陽動不相離合之嘽嘽

䟽達開通兩輜郭邪尊卑是從輓軌之用信義

所同徂兩 **謝靈運**云擾擾整衣裝肅肅戒徂兩

徂往也兩車也 **梁輪**司馬相如云驚於鹽浦割

鮮染輪注切生肉揆車輪鹽而食之揆而玄切

機衡崔朝云虞夏作車取象機衡君子建左法

天之陽正位受綏車不內顧塵不出軌馮以節

步彼言不疾彼指不躬玄覽于道永思厥中

鼎

烹飪易云鼎象地木巽火烹飪也 **鑿器**說文云

鼎三足兩耳和五味之彝器也昔禹貢九牧之

金鑄鼎荆山之下民入山林川澤魍魎魍魎莫

能逢之 **三才**世本云黃帝作寶鼎象天地人

三才 **金精**瑞應圖云寶鼎金銅之精知吉凶存

亡不爨自沸不炊自熟不汲自滿不舉自藏不

遷自行 **取新**易云鼎取新也 **亨人**周禮云亨人

掌供鼎鑊以給水火之齊 **玉鉉**易云鼎玉鉉大

吉無不利 **金鉉**易云鼎黃耳金鉉利貞 **履鍊**易

云鼎折足覆公餗 **鼎名**爾雅云鼎絕大謂之鬴

圓揜上謂之鬴附耳外謂之鉞注云鼎耳在表

鬲音茲錢音翼**鬲品**三禮鬲品圖云牛鬲受一

斛天子飾以黃金諸侯白金有鼻日以銅為之

三足**待人**揚子云九鬲待人而後實**不沸**酉陽

雜俎云爨金不沸者有物如豕居之去之無也

鑄刑左傳云鄭人鑄刑書於鬲以為國之常法

也**烹鷄**後漢書云函牛之鬲以烹鷄多汁則淡

少汁則熬**遷雒**左傳云武王克商遷九鬲於雒

邑義士猶或非之**九龍**淮南子云闔閭伐楚五

戰入郢燒高府之粟破九龍之鼎鞭平王之墓

舍昭王之宮**得一**晉陽秋云咸康四年穀城

門外有光取得九鬲之一**五熟**鬲錄云漢景帝

鑄食鬲以金銀銅雜為之若瓶無足文曰五熟

又云鍾繇字元常魏文帝在東宮賜五熟鬲一

口**甲父**左傳云徐子及郟人莒人

會齊侯盟于蒲隧賂以甲父之鬲**力扛**揚子云

烏獲任鄙力能扛鬲拈牛又漢書項羽力能扛

鼎**錡金**詩云子以湘之維錡及金**漑鬲**詩云誰

能烹魚漑之金鬲**迎日**列子云黃帝得寶鬲冕

侯問於鬼史區鬼史區對曰黃帝得寶鼎神策
是歲巳酉朔旦冬至得天之紀終而復始於是
黃帝迎日推策**龍髯**史記云黃帝采首山銅鑄
鼎鼎成有龍垂胡髯迎黃帝舛因名其處曰鼎
湖**莘負**史記云伊尹欲干湯乃為有莘氏媵臣
負鼎鼎以滋味說湯致於王道**祝**說苑云湯
時大旱七年煎沙爛石於是使人以三足鼎鼎祝
山川教之祝曰政不節耶使民疾耶苞苴行耶
諛夫昌耶宮室營耶女謁盛耶何不雨之極也

言未已天大雨

雉

書云高宗祭成湯有飛雉

升鼎耳而雉注耳不聽之異**沒水**史記云周末

九鼎沒於泗水彭城下始皇過彭城齋戒禱祠

使千萬人沒水求之不得**得璜**鼎錄云太公於

渭水得玉璜鑄一鼎刻其文曰璜鼎**楚問**左傳

云周定王使王孫滿勞楚子楚子問鼎之大

小輕重對曰昔夏之有德貢金九牧鑄鼎象物

使民知神姦桀有昏德鼎迁于商載祀六百

商紂暴虐鼎迁于周成王定鼎于郊鄆卜世三

十卜年七百天所命也周德雖衰天命未改鼎
之輕重未可問也**絕臚**史記云秦武王與孟說

舉龍文鼎絕臚而死**覆烹**史云齊湣王疾文摯

怒王愈之主命烹文摯三日夜不死文摯曰何

不覆鼎以絕陰陽之氣王使覆之乃死**魯貽**左

傳云魯侯賂荀偃以乘馬加璧束錦先吳壽

夢之鼎謂以馬璧為鼎之先也**奪釜**史記云蔡

澤之趙覲入韓之魏遇奪釜鬻於塗**懸釜**史記

云韓子曰智伯園晉陽城襄子決晉陽水灌之

城中懸釜而炊**紀功**鼎錄云蕭何為丞相鑄一

鼎大如三石甕自表已功其文曰紀功鼎**生毛**

鼎錄云漢宣帝建章銅人**生毛**以為美祥鑄一

金鼎埋之建章宮**非周**漢書云漢武得汾陰寶

鼎藏于甘泉群臣上壽賀得周鼎吾丘壽王曰

非周鼎上怒對曰天祚有德寶鼎自出此天以

與漢是漢鼎非周鼎也**雲蓋**漢書云武帝時汾

陰巫錦為民祠魏睢后土營旁見地如鉤狀掬

視得鼎迎至甘泉從上行薦之至中山有黃

雲蓋馬有鹿過上自射之因之以祭至長安公卿大夫皆議尊 **寶鼎**改元元鼎 **生魚**漢書云

范丹字史雲為萊蕪令清貧人歌曰釜中生魚 **范萊蕪** **鼎錄**云張陵得仙鑄十鼎刻丹經

埋於雲臺山下 **百濟**後漢書云廣陵賊率張嬰請太守張綱降曰苟全性命如魚游於釜中又

在希範檄陳伯之云將軍魚游沸釜之中燕巢飛幕之上 **龍能** **鼎錄**云魏武造一鼎於白鹿山

高一丈記征伐戰陣之能 **破備** **鼎錄**云吳陸遜

破劉備軍鑄一鼎其文曰破備鼎 **南史**云陳遺至孝母好食鑊底焦飯遺作郡主簿恒懷

一囊貯歸後戰敗帶焦飯得活以為純孝之報 **紀書** **鼎錄**云王羲之鑄書鼎自以真隸紀已書

即沉於九江 **寫經** **鼎錄**云梁武帝鑄金鼎寫老子五千文蕭子雲書之沉於九江 **杜楊**編

云唐貞元八年吳明國貢常燃鼎量容三斗光潔類玉其色純紫每修飲食不熾火而自熟 **神**

器唐書云姚璿時九鼎成武后欲以黃金塗之

壽奏鼎神器貴朴不得外飾臣觀其上先有五
采豈待塗金為符曜耶后乃止

五

五代史云

蕭希甫誣奏帝曰與鄰人爭井井有寶貨有司
推劾井中破釜而已

南

唐近事云元宗嘗

欲真珠數升耿先生曰易事耳命以小麥數升
以銀釜炒之食頃成珠

楚

辭云潛周鼎於

江淮**德配**後漢崔瑗云大禹鑄鼎象物百神饗

帝

養賢命錫宗臣三距金鉉公德配馬鬣保實
器持盈若冲黃耳不革玉鉉終吉紀功申成

貽則**大和**李尤云五鼎大和滋味集具雖快其

口損之為務**雕螭**帝應物云雕螭刻篆相錯蟠

地中歲久青苔寒**氣含**杜甫云淑氣含公鼎**筆**

力韓愈云龍文百斛鼎筆力可獨扛**炊稻**柳宗

元云炊稻視爨鼎

牀

裝載釋名云牀裝也所以自裝載也**息偃**詩云

或息偃在牀**天**天文集云紫宮門外有天牀

六星**牀名**楊雄方言云齊魯之間謂之筭陳楚

江淮之間或謂之第北燕朝鮮之間謂之樹自

閔而西秦晉之間謂之扛南楚之趙東齊海岱
 之間謂之梓其上板衛之北郊趙魏之間謂之
 牒廣雅云棲謂之牀浴牀謂之招服虔通俗文
 云牀三尺五曰榻板獨坐曰秤八尺曰牀釋名
 云長狹而卑曰榻**載寢**詩云載寢之牀**剥膚**易
 云剥牀以膚切近灾也**巽下**易云巽在牀下身
安說文云牀身之安也簣牀輓也**君處**商子云
 人君處匡牀之上而天下理**玳瑁**西京雜記云
 韓嫣以玳瑁為牀**麕狼**異物志云麕狼形似鹿

兩角觸前向入林則挂角故恒在平淺草中逐
 入林則得之皮可作履襪角正四據南人因以
 作器牀**碼碯**開元遺事云西域波斯開元天寶
 間遣使者十輩獻碼碯牀**卧金**馬明生別傳云
 明生隨神女入室中卧金牀玉枕**坐石**酈道元
 水經注云南村人駱都小時到夷水石室邊採
 蜜見一仙人坐石牀上**華簣**禮云魯子寢疾病
 童子曰華而睨大夫之簣與魯子曰然斯季孫
 之賜也我未之能**元易**起也易簣**象牙**戰國策云孟

嘗君至楚獻象牙 **牀** **秘書**論衡云孔子將死

遺秘書曰不知何男子自稱秦始皇上我堂踞

我牀顛倒我衣裳至沙丘而亡後始皇東巡至

魯觀孔子宅見之至沙丘崩 **踞洗**漢書云酈食

其求見高帝方踞牀使 兩見女子其 **寢土**燕書云

公孫鳳隱於昌黎九城寢土牀 **碎石**宋書云高

祖嘗患体熱有獻石牀乃碎之惡劳人也 **穿木**

高士傳云管寧字幼安自越海及歸常自坐一

木榻積五十餘年榻上當膝處皆穿 **穿石**列仙

傳云脩羊公上華陰山石室中有懸石榻其上

盡穿陷也 **晉書**云桓伊善音樂蓄一蔡邕

柯亭笛嘗自吹之王徽之泊丹青溪側不相識

伊於岸上過徽之便令人謂曰試為我奏伊時

貴顯素聞徽之名便下車踞胡牀而作三調弄

畢便上車去不交一言 **壁崩**齊書云徐孝嗣初

在率府書卧齋北壁下夢兩童子遽云移公牀

孝嗣驚起聞壁有声行數步壁崩 **敬新**唐書云

李吉甫初政事堂會食有巨牀相傳徙之輒罷

相不敢迂吉甫笑曰世俗禁忌何足疑耶撤而
新之**醉登**唐書云杜甫嘗醉登**鐵**林瞪視曰嚴
挺之乃有此兒武亦暴猛中銜之**俱匿**唐書云
孟浩然王維私邀入內署俄而玄宗至浩然匿
牀下維以實對帝喜曰朕聞其人而未見也何
懼而匿詔浩然出**撤坐**唐書云李峴同平章事
故政事堂不接客自元載為相中人傳詔者引
并堂置榻待之峴至即敕吏撤坐**撤**隋書云
以識有胡故胡牀為交牀不設五代史云馮道

軍中不設牀席卧一束芻而已**華**謝靈運云
連榻設華榻**玉**後梁宣帝云衡山白玉鏤漢
殿珊瑚支踞膝申久坐屢好為頻移**展書**杜子
美云風牀展書卷**支石**李太白云支牀錦石圓
帳

流蘇海錄碎事云流蘇乃盤線繪綉之毬五色
錯為之同心而下垂**覆斗**海錄云斗帳小帳也
形如覆斗**百子**詩話云唐人昏禮多用百子帳
其制本出戎虜苦穹廬之翻耳捲柳為圈以相

連鎖百張百闔故以百子名之 **禮**云敝帷

不棄為埋馬也 **緝**帷漢舊儀云祭天有緝帷帳

虎幄左傳云衛侯為虎幄於籍圃注籍田之圃

新造幄幕皆以虎獸為飾 **青**縑漢書云尚書

郎主作文書起草更直於建禮門臺給青縑白

綾或以錦給帳茵褥 **盛**施漢武故事云西王母

感上之誠暮必神降上乃盛施帷帳燒兜沫香

香聞數百里 **甲**乙又云上以琉璃珠玉明月夜

光雜錯天下珍寶為甲帳其次為乙帳甲以居

神乙以自居 **請**燔漢書云東方朔曰陛下誠能

用臣朔之計請推甲乙之帳燔之通衢 **更**益

部者舊傳云翟輔上事云漢文帝連上書囊以

為帳惡聞統素之聲 **賜**帷東觀漢記云桓榮常

寢病太子朝夕遣中人問疾賜以帷帳奴婢曰

如有不諱無憂家室也 **絳**紗漢書馬融傳云融

為世教弟子以千數常坐高堂施絳紗帳前授

生徒後列女樂弟子以次相傳鮮有入其室者

幄漢書云文昌夏月多蚊貧無幬幄幄為作

幃 **糊紙** 晉書云羊續為廬江太守卧一幅布幃

穿敗糊紙補之 **出妓** 梁史云柳惔甚畏其妻性

愛音樂女妓精麗略不敢視僕射張稷與惔狎

而為惔妻賞敬稷詣惔先相問夫人請奏樂其

妻隔幔坐妓然後出惔得留目 **延處** 漢書云公

孫弘燕見上上嘗不冠汲黯前奏事上不冠望

見黯避帳中使人可其奏

為襦 晉書云謝尚為江夏都督

始到官部人以布十四疋 為尚造帳尚壞之

以為軍士襦袴 **受業** 晉書云常逞母宋氏傳父

業得周詡義 乃就宋家立講堂書生百餘人

隔絳紗幔受業焉 **七寶** 唐書云武后時嬖臣張

易之作七寶帳有魚龍鸞鳳之形 **五幄** 明皇雜

錄云帝友愛至厚殿中設五幄與諸王處號五

玉帳 **玳瑁** 唐書云武后起望仙臺設玳瑁帳 **金**

絲 唐書云元載寵姬薛瑤英載為設金絲帳處

之 **白紬** 唐書云楊國忠當國引酷吏吉温拜京

畿閔內採訪使安祿山敕吏設白紬帳于傳以

侯命紫綃杜陽編云元載芸暉堂戶牖內設紫

綃帳得於南海溪洞之中蓋鮫綃之類輕薄無

碍凝冬風不能入盛暑則涼自至其色隱隱忽

忽不知為帳也青練吳越備史云錢鏐武肅王

夫人嘗以玉寢帳隙裂造青練帳將易之王曰

作法於儉猶恐為奢卒不用螭雲沈約云甲帳

垂和壁螭雲張柱宮隋珠既吐曜翠被復含風

鑿月阮籍云薄帷鑿明月碧綃虞世南云褰輕

綃之碧幔

枕

角詩云角枕粲兮琥珀宋書云武帝時獻琥

珀枕命碎之為金瘡藥芳松劉向別錄云有芳

松枕色綾酉陽雜俎云臺山有色綾木理如綾

紋人取為枕呼色綾枕曲肱孔子云飯蔬食飲

水曲肱而枕之樂亦在其中國寶越絕書云越

王問范子曰寡人已聞陰陽之事穀之貴賤可

得聞乎曰陽主貴陰主賤當寒而溫穀暴貴當

溫而寒穀暴賤王曰善書之帛置以為國寶不

傳禮云父母舅姑之枕几不傳**轉少**神仙傳云

漢武帝東巡見泰山老父鋤於道頭上白光高

數尺呼問之對曰有道士教臣作神枕枕有三

十二竅二十四竅應八風臣行之轉少齒

生**質錢**卓行傳云陽城家貧常以木枕質錢**夜**

明開元遺事云虢國夫人有夜明枕置於堂中

紅光照室不假燈燭**鷓鴣**明皇雜錄云同昌公

主有鷓鴣枕其枕以七寶合成為鷓鴣枕**厭妖**

唐五行志云常后寐嘗為豹頭枕以辟邪白澤

枕以辟魅伏熊枕以宜男亦服妖也**游仙**開元

遺事云龜茲國進枕色若碼碯溫潤如玉製作

甚工枕之而寐則十洲三島盡在夢中帝因號

遊仙枕**不安**唐書云太宗嘗曰朕思天下事丙

夜不安枕**神鷄**常新錄云史鳳宣城妓也待客

異者有神鷄枕**如願**枕中記云開元中呂翁經

邯鄲有盧生同止於邸主人方炊黃梁翁取囊

中枕以授盧曰枕此當榮適如願生但記身適

枕穴中未幾登第出入將相五十年榮盛無比

其夕卒遂寤呂翁在旁黃梁尚未熟**居安**蔡邕云應龍蟠蟄潛德保靈制器象物示有其形哲人降鑒居安慮傾**寧眠**蘇彦云朝景西翳夕舒映天順神靖鬼湏以寧眠寢貴無想氣和体平禦心以道閑邪以誠**長生**梁元帝云泰山之藥既使延齡長生之枕能令益壽黃金可化豈直劉向之書陽燧含火方得葛洪之說

簟

布平釋名云簟者布之覃然平也**竹席**說文云

簟竹席也**簟**名方言云宋魏間謂之笙或謂之蘧曲自閑之束謂之簟其粗者謂之蘧條直文而粗自閑而束周楚魏之間謂之倚佯自閑而西謂之符簟**安寢**詩云下筦上簟乃安斯寢**篋****席**書云篋席黼純筍席玄純注篋桃竹席也白黑之緇以純緣也筍弱竹也玄純黑緣也並天子朝燕之**簟****韞藏**禮記云夫不在歛枕**簟**席韞器而藏之**畫簟**漢書云獻帝尚書令王允奏曰太史令王立說孝經六隱事能消却姦邪常以

良日與立入為帝說孝經一章以丈二竹簟畫
九宮其上隨日時出入**席上**淮南子云席之上
先萑簟樽之上先玄酒先王貴之先本而後用
末也**象牙**王隱晉書云車水為廣州刺史子溢
多使工作象牙細簟土人患之**賜簟**晉書云太
宰何曾遜位賜簟樽一具**花裯**開元遺事云學
士許慎放曠不拘小節多與親友結宴花園中
未嘗具幄設坐只使僮僕聚落花鋪坐下曰吾
自花裯為座五行志云武后時嬖臣張易之為

毋為犀簟**金簟**唐盧氏雜記云侯君集破高昌
所得金簟甚精御府所無**却塵**杜陽編云元載
寵姬薛瑤英載為處却塵褥其褥出於句驪國
一云是却塵之獸毛所為也其色殷鮮光軟無
比**含霜**謝玄暉云珍簟夏含霜**思卧**杜子美云
酒醒思卧簟**色寒**李太白云微霜淒淒簟色寒
無癢韓愈云滿眼凝滑無癢疵

簾

鄣蔽釋名云簾廉也自鄣蔽為廉耻也**帷帳**廣

雅云幌帟簾也音毗擔**戶帷**風俗通云戶帷為

簾名楊雄方言云宋魏陳楚江淮之間謂

之笛或謂之翹自閔而西謂之箔南楚謂之蓬

箔皆簾之別名**簾制**西京雜記云漢諸陵寢皆

有簾皆為水文及龍鳳像晉東宮舊事云簾箔

皆以青布緣純**養形**孫卿子云蘆簾橐蓐可以

養形**翠羽**洞冥記云漢武起招靈閣翠羽麟毫

為簾**白珠**漢武故事云上起神屋以白珠為簾

箔玳瑁壓之象牙為篾**織珠**西京雜記云昭陽

殿織珠為簾風至則鳴如瑀

金玉三秦記云明光宮以

金玉珠璣為簾箔**縉蕭**莊子云河上有家貧緯

蕭蒿以為業**織薄**漢書云周勃以織薄曲為業

傷手南史云沈麟士居貧常為人作簾誤傷手

便流涕而還曰遺體毀傷感而悲耳**妓衣**南史

云梁夏侯亶性儉率有妓妾十數並無被服每

有客常隔簾奏樂時謂簾為夏侯妓衣**夜明**唐

史云夜明簾本雞林郡進張說所藏後書生請

去獻九宮主為說解難含光盧思道云鑑帷明

欲歛照檻色將晨可憐踈復空隱映當窓人浮

清帶遠霧含光動細塵落花時晏拂會待玉階

春露依南齊虞炎云青軒明月時紫殿秋風日

清露依簾垂蛸絲當戶密褰開誰共臨掩晦獨

如失唐太宗云參差垂玉牖舒卷映蘭宮

珠光搖素月竹影亂清風彩散銀鈎上文鋪桂

戶中唯當雜羅綺相與媚房櫳杜甫云編

竹狀玲瓏庭闌盡處中不由經緯力安有卷舒

功春昼會妨燕寒宵豈隔風

帷

單帳韻畧云幬帷單帳也障圍釋名云帷圍也

以自幬圍也幕絡也在表之稱也

組綬周禮云組綬所以繫帷帷

幕說文云在旁曰帷在上曰幕又廣雅云帷幕

帳也布門儀禮云國君與卿圖事館人布幕於

寢門外針縷淮南子云先針後縷可以成帷不

趨禮云帷薄之外不趨**埋馬**禮云敝帷不弃為

埋馬也通漢書云張良運籌帷幄之中禦風

李陵云常備毳幕以禦風雨青油宋書云居青

油幕下帶幄三禮圖云小幕曰帶上下四旁悉

周曰幄又云四合象宮室曰幄坐上承塵曰帶

燕巢左傳云猶燕之巢於幕上西幕歸藏云錯

而故占張雲幕**䟽縷**劉向說苑云晏子復景公曰

合升斗之微以滿倉廩合䟽縷之緯以成帷幕

典略云孔子反衛見夫人在絺帷中孔子

北面稽首夫人自帷中再拜有**烏**左傳云諸侯

救鄭鄭人將奔桐丘謀告曰楚幕有烏乃止**尚**

黑拾遺記云漢武帝以珊瑚為牀紫錦為帷又

武帝好微行於池傍遊宮以漆為柱鋪玄紕之

幕噐服乘輿皆尚黑色示朴史記云漢孝文帝

所幸慎夫人帷帳不得文繡以示敦朴紗幕拾

遺記云漢武帝李夫人死後常思夢命工人作

李夫人形或置於輕紗幕裏婉若生時帝大悅

幕府東觀漢記云衛青大克匈奴帝拜大將軍

於幕中因號幕府講誦漢書云董仲舒為博士

下帷講誦弟子轉以次相授業成莫見其面

安坐東觀漢記云張奐使單于諸夷反叛燒

度遼將軍門列屯烟火相望奐坐帷中與弟子

誦書輒堦稍安**褰帷**賈琮傳琮為薊州刺史舊

典傳車駟駕垂赤帷裳迎於州界及琮之部升

車言曰刺之當遠視廣聰何有垂帷裳以自掩

塞命御者褰之**紫綃**吳志云孫權趙夫人善畫

巧妙無雙權居昭陽宮倦暑乃展紫綃之帷夫

人曰此不足貴妾欲窮思慮能使下綃帷而清

風自入視外無有蔽碍列侍飄然自京若御風

行**綺羅**神仙傳云淮南八公詣淮南王安門皆

鬚眉皓素王欲少者八公皆成十五六童子門

吏以白安聞之不及履即出迎之以登思仙之

臺張綺羅之幕設象牙之席**補納**魏書云魏太

祖雅性節儉帷帳壞則補納**披帷**宋書云袁粲

每過傳昭戶歎曰經其戶寂若無人披其帷其

人斯在豈非名賢乎**隔紗**秦記云符永固以太

常帝送母宋傳其父業得周官義旨乃就來宋家听讲書生百人隔紗幔而受書焉

几

案屬說文云几案屬也 **廢物**釋名云几廢也所

以廢物也廢閣也音軌 **禮**云獻几杖者拂

之 **周禮**云春官司几筵吉事变几凶事仍

几 **授** **紀**詩云授几有緝御 **西京雜記**云漢

制天子玉几冬則加絺錦其上謂之絺几公侯

皆以木為几冬則以細罽為案 **周禮**云太

宰大朝覲會同贊玉几又書云王洮頰水相被

冕服憑玉几又漢書云祭天用玉几 **百寶**杜陽

編云同昌公主琢百寶為圓案 **金几**漢武內傳

云帝受西王母五岳真形經廢以黃金之几 **寶**

几拾遺記云瀛州南有金臺之觀中有寶几覆

以雲紈之素 **石几**南岳記云衡山石室有石林

石几 **訓誦**國語云左史倚相曰倚几有訓誦之

戒 **按**左傳云諸侯之師久於偃陽荀偃士匄

請於荀瑩曰水潦將降懼不能歸請班師智伯

怒投之以几案戰國策云郭隗謂燕昭王隱

几據杖眇視相使則厮役之人至案史記云

燕丹太子常與荆軻等案而食案烈士傳云

魏公子無忌方食有鳩入案下怪之無忌使人

視殿下左右顧望見一鷄從屋上飛去案漢

書云平帝詔太師孔光曰大臣惟國之重書曰

毋遺耆老國之將興尊師而重傳其令太師省

坐置几設几續漢書云大將軍何進辟鄭玄玄

不得已詣之進為設几杖待之甚優玄不受朝

服幅巾而見一宿逃去持案史記云漢高祖過

趙王張敖持案進食禮甚恭高祖箕踞罵之舉

案後漢書云梁鴻妻孟光每上食與鴻舉案齊

眉斫案漢表傳云曹公平荊州欲伐吳張昭等

皆勸迎之唯周瑜陳拒曹之計孫權乃斫前奏

案曰有言迎北軍者與此案同化鹿神仙傳云

葛仙公學道女几山後得仙所憑木几化為鹿

三足時出山上狐文雲仙散錄云房壽六月召

客凭狐文几肉几酉陽雜俎云黃瓠兒矮陋機

慧唐玄宗嘗憑之問外間事動有錫賚號肉几

書几世說云王羲之詣門生家見棊几滑淨因

書之真草相半其父誤刮去驚懊累日 **鵝膝語**

林云任元褒為光祿勳孫馮翊往詣之見門吏

憑几孫入語任曰吏憑對客為不禮任便捶之

吏荅云得罰体痛以橫木扶持非憑几也孫曰

直木橫施植其兩足便為憑几何必狐蟠鵝膝

曲木抱腰 **畫花**鄴中記云石虎所坐几悉漆雕

盃皆為五色花 **賜几**陳書云王冲為太子少傅

武帝以冲前代舊臣特申長幼之敬及即位益

加尊大嘗從幸司空徐度宅宴筵之上賜之以

几 **承疲**謝朓云蟠木生附枝刻削豈無施取則

龍文昇三趾猷光儀勿言素帛潔白沙尚推移

曲躬奉微用聊承終日疲 **成禮**張華云倚几之

設設而不倚作器於此成禮於彼 **斬曲**柳子厚

斬曲石几 **植**物所素乎直聖主取焉以建家國員

為標楹齊為闡闕外隅平端中室謹飭度焉以

几維量之則君子馮之以輔其德末代淫巧不

師古式斷茲標木以限肘腋歌形詭狀曲程詐
力制類奇邪用絕繩墨

鳥皮

杜甫云拂拭鳥皮

類傳卷第二十終

